

BAHAGIAN A


Soalan 1 hingga 12

Isi tempat kosong dengan jawapan yang **paling sesuai**

1. Raja Ahmad berasa badannya melekit setelah pulang daripada berburu. Justeru, baginda perlu _____ .

A beradu
B bersiram
C bersantap
D bersemayam

Soalan 2 berdasarkan gambar di bawah.



2. Puan Zainora sedang _____ anak kecilnya di ruang tamu.

A menimang
B melambung
C menjunjung
D mendukung


3. Shamsudin kelihatan _____ apabila memakai baju Melayu semasa ke masjid.

A jelita
B indah
C segak
D anggun

4. Fahmi bukan _____ orang untuk ditandingi dalam acara lompat tinggi.

A handal-handal
B calang-calang
C hebat-hebat
D baik-baik

Soalan 5 berdasarkan gambar di bawah.



5. Peserta itu mendayung kayak mereka dengan _____ untuk tiba di garisan penamat.
- A ligat
 - B deras
 - C pantas
 - D kencang
6. Penduduk Taman Cempaka mengekalkan cara kehidupan yang mementingkan perpaduan melalui aktiviti Rukun Tetangga. Pilih **perkataan seerti** bagi mengekalkan.
- A membaiki
 - B memelihara
 - C melaksanakan
 - D mengutamakan
7. Dia meneruskan perjalanan dengan bas dari utara ke selatan tanah air. **Perkataan berlawanan** bagi meneruskan ialah ...
- A melewati
 - B melengahkan
 - C memendekkan
 - D menangguhkan
8. Mahaguru silat itu telah memberikan _____ tentang cara-cara mempertahankan diri daripada serangan musuh.
- A gerak geri
 - B gerak kaki
 - C tunjuk ajar
 - D tunjuk langkah
9. Farid akan mewakili sekolahnya dalam acara olahraga. _____, dia terpaksa berlatih dengan bersungguh-sungguh sebagai persediaan awal.
- A Namun begitu
 - B Tambahan pula
 - C Walaupun begitu
 - D Dengan demikian

10. Ibu meminta saya mengambilkan _____ jam tangan dan _____ kalung mutiara di dalam laci di biliknya.

- A seutas ... seuntai
- B sebuah ... seutas
- C sebutir ... seurat
- D sebiji ... sebutir

Soalan 11 berdasarkan gambar di bawah.



11. Adik memetik _____ bunga di taman itu sambil mendukung patung beruang.

- A seikat
- B sejambak
- C setangkai
- D sekuntum

Soalan 12 berdasarkan gambar di bawah.



12. Puan Azizah sedang _____ ubi kayu di dapur untuk membuat kuih lepat ubi.

- A mengisar
- B mengikis
- C menyagat
- D mengukur

Soalan 13

Pilih ayat yang **sama maksud** dengan ayat yang diberi.

13. Nenek sedang menganyam tikar mengkuang di ruang tamu rumahnya.
- A Tikar mengkuang sedang dianyam oleh nenek di ruang tamu rumahnya.
 - B Tikar mengkuangnya sedang nenek anyam di ruang tamu rumahnya.
 - C Tikar mengkuang nenek sedang dianyam olehnya di ruang tamu.
 - D Tikar mengkuang di ruang tamunya sedang nenek anyam.

Soalan 14

Pilih penggunaan kata **banyak makna** yang tepat.

- I Kotak yang keras itu tidak terangkat oleh Hadi.
 - II Pak Akob bekerja keras demi masa depan keluarganya.
 - III Kaki lima yang keras itu disapu oleh tukang cuci bangunan.
 - IV Tindakan yang keras akan diambil terhadap murid yang melanggar peraturan sekolah.
- A I dan II
 - B I dan III
 - C II dan IV
 - D III dan IV

Soalan 15 hingga 16

Pilih ayat yang **betul**.

15.
 - A Mohan menerangkan kepada kami cara-cara membuat kek coklat.
 - B Sesetengah bungkus nasi goreng itu dimakan oleh Umairah..
 - C Tempuh untuk kami menyiapkan lukisan itu adalah seminggu.
 - D Goreng kentang yang dibeli oleh adik di gerai Mak Piah sangat rangup.
16.
 - I Lukisan itu dilukis oleh saya.
 - II Air yang jernih itu kami ambil dari anak sungai di atas bukit itu.
 - III Sahabat pena saya telah menghantar gambarnya pada saya melalui e-mel
 - IV Saya berasa kagum akan pemandangan yang indah nian dari atas puncak bukit itu.
 - A I dan II
 - B I dan III
 - C II dan IV
 - D III dan IV

Soalan 17 hingga 20

Baca petikan di bawah, kemudian jawab **soalan-soalan** berikutnya.

Mohd Syukri Aiman bin Hakimi,
8, Jalan Pelangi Semenyih,
Taman Pelangi Semenyih,
52300 Semenyih,
Selangor.

10 April 2017.

Menemui sahabatku, Asmira yang kini berada di Felda Bukit Aping Barat, Kota Tinggi. Doa dan harapan semoga saudara sekeluarga sihat selalu. Walaupun saudara jauh di mata, namun dekat di hati.

Saudari,

Apa khabar saudara sekarang? Saya doakan semoga saudara sihat, ceria dan berjaya selalu. Begitu juga dengan diri saya di sini. Bagaimanakah dengan cuti sekolah saudara yang lalu. Saya ingin berkongsi pengalaman menarik semasa cuti sekolah yang lalu.

Pada hari Sabtu, 12 Mac yang lepas, saya sekeluarga berkunjung ke rumah nenek di Kampung Changgang, Johor, Negeri Sembilan. Kami pulang ke kampung selama tiga hari dua malam. Waktu itu, musim buah-buahan baru bermula. Saya dan adik membantu nenek mengumpul dan menjual buah durian. Nenek memberi kami upah dan saya berasa sungguh seronok.

Saya dan keluarga juga berkesempatan ke majlis perkahwinan seorang jiran. Majlis perkahwinan itu cukup meriah. Kami turut bergotong-royong mendirikan khemah dan memasak. Cuti sekolah pada kali ini sungguh bermakna bagi saya. Masa dirasakan berlalu begitu cepat. Saya ingin bercuti di kampung nenek lagi pada masa akan datang.

Setakat ini sahaja surat daripada saya. Semoga saudara sudi membalas surat saya. Semoga berjumpa lagi pada waktu yang lain.

Sekian, terima kasih.

Sahabatmu,

SyukriAima

17. Siapakah penulis surat tersebut?

- A Amira
- B Nenek
- C Sahabatmu
- D Syukri Aiman

18. Di manakah penulis ini tinggal?
- A 18, Jalan Pelangi Semenyih
 - B Taman Pelangi Semenyih
 - C Felda Bukit Aping Barat
 - D Kampung Changgang
19. Bilakah penulis bermalam di rumah neneknya?
- A pada cuti sekolah yang akan datang
 - B sewaktu pulang ke kampung
 - C ketika majlis perkahwinan seorang jiran
 - D ketika musim buah-buahan baru bermula
20. Pada pendapat anda, mengapakah penulis mengambil masa begitu lama untuk menceritakan pengalamannya?
- A Dia sibuk membantu neneknya mengutip dan mengumpul durian kepada rakan.
 - B Jarak rumahnya dengan rumah penulis terlalu jauh.
 - C Dia sibuk mengulang kaji pelajarannya kerana akan menghadapi peperiksaan.
 - D Dia sibuk membantu memasang khemah dan memasak di rumah jirannya.